

於中國（二）經行中國通西域古道，稱因此道爲羅馬販絲之道。但此路由張騫首鑿，武帝隨通，故東西人民，由此交往，安息不過藉其通衢以行商賈耳，無可驚異之處也。

二、漢代古道及住宅 當余等第二次旅新時，在古烽燧亭工作完畢後，獵戶稱由此往北約五里許，有大道遺跡，類似古道。兩旁常有銅錢散布。於五月十四日下午三時，使獵戶導之前往，向北偏東二十度行，四點，遭遇古道於堅剛鹽層開處，中顯白色泥痕，宛若轆轤，刮磨光平，顯爲往來人跡所遺。由西南向東北，蜿蜒屈行，或在山坡，或在平地。吾人遵道而行，一若二千年前，發自玉門西詣龜茲之故態。蓋舍此道外，再無他路可行也。（參閱第二次考查路線圖）道兩旁時有五銖錢，及零銅件，與瑪瑙之屬，必爲當時行人所遺。然由此亦可證明此道爲二千年前往來之人所經過之大道也。天晚仍南行，駐於積水之旁。

十五日，仍駐此地，余單騎偕汗木多尋覓古跡，在大老壩北岸之土阜上，覓得古址一所。（第二次路線圖L、LT）在一傾圮土坯中，顯出葦草。即發掘其下，出骨器五件，草具五件，（圖版二八：圖7—11）第7圖骨片作橢圓形，上端磨光，似經長久之使用者。因上端畧尖，疑爲割切之用。第8、9兩圖，爲長條形，係取鳥之腿骨，下端削尖，用法不明。或頭上之飾物也。圖11爲一牛角，想爲當時人陳液體之物。圖10作針狀，或爲穿孔之具。其他草具，類皆以蘆草編之。最可異者一以蘆草爲莖，下附橢圓形之泥捶。（圖版二七：圖11）一以蘆草編爲蓑衣。（同版圖8—10）一束蘆草爲紮，纏以籐繩。（同版圖7）又有泥杯及紡車等。（圖版六：圖7、8）凡諸此類，皆表現初民生活之形態。由其取鳥獸骨爲器具一點觀之，其人民必尙爲漁獵生活無疑也。復北行，又與古道會。沿道西偏南二十度行，在土阜之旁，五銖錢散布地表，俯拾即是。（路線圖L）歸而數之，得六百餘枚。但無居住遺迹，其爲行人所遺無疑也。十六日，全隊出發，仍沿古道行，滿地均爲鹽殼所覆蓋。惟波浪開處，時顯古道，平坦砥直，實不覺若何困難。然古道時隱時現，幾令人目昧不可捉摸。及至庫魯克河之末流，又拾五銖錢及銅矢鏃之類，則當時沿大道往來之人，已極臻其繁密矣。再西沿河畔行，時有陶片銅件，但不見古道，疑此後